

Art. 16

Giunta municipali

1. Sa Giunta est òrganu de governu de su Comunu.
2. Sighit is princìpius de sa collegialidadi, de sa trasparentza e de s'eficientza.
3. Fait totu cussu chi serbit po arribai a is obietivus de s'enti, sighendi is indiritzus generalis e is àutus de su consillu comunali.
4. Cun totu sa giunta esàminat is chistionis de nai a su consillu comunali.

Art. 17

Eletzionis

1. Sa Giunta si fait candu e cumentì narat sa Lei, sighendi sa programatzioni presentat a su segretàriu comunali, asumancu cincu diis prima de s'atòbiu de su consillu.
2. Sa Lei detzidit apitzus de s'inelegibilidadi, de s'incompatibilidadi, de sa positzioni giurìdica, de sa situatzioni de is chi faint parti de s'òrganu e de sa rèveca e decadentza.
3. In prus de is arrexonis de incompatibilidadi nomenadas in su coma 2, un'àtera arrexoni est ca no pidint fai parti de sa giunta in su matessi momentu is ascendentis, is discendentis, cussu chi at adotau

o cussu chi est stètiu adotau, is fradis, is sorris, pobiddu e mulleri e is afinis de primu gradu.

4. Su sùndigu e is assessoris chi no si dimitint prima, abarrant in carriga fintzas a candu no benit nomenau cancunu àteru.

Art. 18

Cumposizioni

1. Faint parti de sa Giunta su Sùndigu e cuàturu assessoris.

2. Podint essi tzerrius a fai parti de sa Giunta is tzitadinus chi no funt consilleris, chi siant elegibilis e tèngiant prestìgiu, professionalidadi e cumpetentzia amministrativa de importu mannu.

3. Is assessoris esternus pigant parti a su consillu, chentza de podi votai, po arrexonai de chistionis apitzus de sa delega cosa insoru.